

樂府廣序

序

詩與樂相爲表裏者也六
義存則詩存六義亡則詩
亡詩存則樂存詩亡則樂
亡詩之有關於樂如此今
人不知有詩而漫言樂如

無舟楫而渡江河樂於何
有自余論之孝武立樂府
之官俾延年所歌者皆鄭
聲也江南多吳楚之音江
北多殊俗之奏施及陳隋
亡國日促竝俗調也唐之

黎園教坊室春三院雜以
龜茲多番部也於庠樂豈
易言哉予以政事之暇觀
止谿先生之廣序而爽然
於詩樂之源流也其以相
和三調爲風鼓吹橫吹爲

雅郊祀廟饗爲頌亦斷斷
無可議者復取其聲辭而
紬繹之頗倣卜序以廣其
義焉樂府自漢魏六代以
歷三唐業次第梓以行世
其詩集余方辨定爲之授

簡其文成數十萬厥指數
千要不越六詩之教蓋本
原於忠臣孝子之心發明
於保定扶危之旨良友貞
婦羈人逸士所謂寓意深
遠者無不呼之欲出此真

刪後之素臣齊魯韓毛四
家所欲言而未備者歟然
則有先生之書漢興以來
至於有唐皆可以明詩皆
可以明樂所謂自鄒以下
無譏者無有矣夫制氏習

鏗鏘而不知其義者也今
所序一遵六詩之教則大
義著矣夫詩與樂之分途
或以未盡合音節耳廼體
分古近因其時也風殊正
變論其世也義取諷興爲

歸調本中聲協律怨刺之
詩皆可弦可歌則音節備
矣故曰六義存則詩存詩
存則樂存後之君子覽是
編者亦可無詩樂淪亡之
感也夫

峇

康熙十有五年丙辰長至
日相州西山許三禮題

樂府廣序叙

舜江黃宗義梨洲識

原詩之起皆因於樂是故三百篇卽樂經也儒者疑別有樂經秦火之後無傳焉此不知詩者之言也三百篇皆可歌若考古制依咏之數更唱迭和節以鐘

磬鼗鼓和以琴瑟笙簫其所用
與所感自不容已今學者祇玩
其文所得者淺詩雖存而實亡
故樂亡也然猶幸六義之教未
亡導清源而濬之作者用者之
精神時相遇焉樂亡而詩可孤
行者僅僅藉此耳三百篇而降

詩與樂遂判爲二胡然而作之
胡然而用之皆不能知其故無
他所謂六義者蓋亦亡矣越後
朱子之註離騷以其寓情託意
者謂之變風以其感今懷古者
謂之變雅其語祀神歌舞之盛
者則謂頌之變賦則自序比則

香草惡艸興則沉觀景物於是
離騷之指燦然明備然於他詩
則未遑數數也元末有劉履者
爲選詩補註倣朱子之法以賦
比興論詩頗於諸家稱傑出然
不及樂府於風雅頌無當焉夫
六義而存緯去經不亦惑乎海

昌朱止谿先生有慨於此取漢
魏六朝有唐之樂府及詩分爲
三集其相和清商五調雜曲新
曲爲風其燕射鼓吹橫吹舞曲
爲雅其郊祀廟祀明堂封禪雩
蜡爲頌詩附其後而以賦比興
三者緯之上下千年儼然三百

篇之餘以比文中子續經之作
蓋庶幾焉由先生之著述而論
之六義之教復可興然而終不
可用之於樂樂之道易而博審
樂以知政博也審聲以知音審
音以知樂易也則詩教全在散
聲散聲多者不可損少者不可

益自然之爲天籟也開元詩樂
以一聲叶一字朱子深疑之而
亦不能求其故先生倘有得於
篇章之外者使不爲紙上之空
言猶望次第而復之也先生屬
余序予不能審音聊以荅先生
之意云爾

其
正
四

樂府廣序題辭

以谿圃人自述

夫聲音之道難通。夫子刪詩之志可述也。定六詩之序而樂以正本。樂語教天下以興道。諷誦言語到於今。管絃之聲未往往而絕也。自秦燔樂經。漢得所遺樂章亦云僅矣。孝武帝定郊祀禮。粗立樂府。在十九章故樂府先郊祀歌也。歷代因之。蔡中郎

叙漢樂。一曰郊廟。二曰饗宴。三曰大射辟
雍。四曰短簫鐃歌。鐃歌者十八曲。漢志亦
失傳。獨不叙相和三調。略見宋書樂志中
本之魏曲。或間魏歌。或卒章爲亂。又清商
三調爲魏晉樂所奏者。見於荀勗所撰而
晉書樂志都不詳。此數端者。後人往往疑
之。蓋永嘉亂。禮樂廢。類此。余乃喟然太
息曰。四始闕。則六詩亡。樂府其何以稱焉。

劉覽郭茂倩樂府詩集編次一遵宋書及
元嘉伎錄復輯以雜曲琴曲新曲蓋其勤
哉然風雅頌之失所卒未能正也夫六義
存則詩存六義亾則詩亾詩亾而樂亾可
勝悼哉是以齊政教陳詩風定鐘律此在
者之聖也宣王風考舊俗制新聲此述者
之明也古之王者不明樂音而明於舉官
自公卿大夫以降選有道德之人以教國

子歌九德習六舞以正性情節萬事隆雅
樂以風示天下而后德成焉王政通焉故
曰治世之音安以樂其政和立樂府者同
節同和之本也要以國風爲之首余誦相
和伎暨雜曲兩漢以後風俗形焉樂書所
謂周房中之遺聲其風之正變乎雅爲受
釐陳戒之辭鼓吹曲兼三朝燕射食舉爲
王朝之雅矣若夫郊祀廟享之歌所以美

盛德之形容頌也。復何疑焉？夫何班馬之徒不能正之，而魏晉以來因襲勿改。至六代干戈之際，南音北部，競麗軼尤。唐僅備郊廟之什，不採風鼓吹及五調伎並文人擬作矣。嘗旁搜左氏樂府，梅氏樂苑，吳兢之樂錄，郗昂之解題，沈建之廣題，又何殊膠柱而鼓焉？繇斯以談，豈非今日學士大夫之責哉？今夫涉河者，鏡源候氣者，眡瑄

不得於史傳百家之言也。安東諸正經書
曰。詩言志。歌永言。所以明詩也。聲依永。律
和聲。所以合樂也。余起漢魏六朝。以訖唐
代。爲分相和清商五調伎。以雜曲新曲繫
之。當國風。始燕射鼓吹。橫吹舞曲。以散樂
繫之。當雅始其郊祀廟祀五帝明堂配饗
更以歷代封禪雩蜡逸頌繫之。當頌始而
賦比興之義。亦藉以不廢焉。後之作者。卽

踵事增華篇體斯備。要之一文一質。總不
越風人六義之遺。謹撰樂府首漢魏六朝
迄唐爲三集。別輯歌詩。從漢藝文志並異
郭本非異也。所以著代倡四始也。且琴爲
王者誓御琴曲。室後堂上堂下之樂。亦樂
府志也。各刪正著論。分次之。成三十卷。且
詩詁非古也。倣卜序略。標美刺義。加廣焉。
余竊媿書學所聞。不能以咫尺。世不乏英絕。

卷之八
領袖者也其以余言爲蠡測乎爲河漢乎抑鼎來而解頤者乎進而教之所庶幾焉

樂府廣序總目

浙西止谿圃人朱嘉徵編次

男 爾邁訂

卷一 漢風一

相和六引 闕

相和曲八曲

卷二 漢風二

吟歎曲一曲

卷三 漢風三

平調曲四曲

卷四 漢風四

清調曲四曲

卷五

漢風五

瑟調曲一十五曲

卷六

漢風六

楚調曲四曲

卷七

漢風七

大曲一曲

卷八

魏風一

相和六引一曲

相和曲十五曲

卷九

魏風二

平調曲十七曲

卷十

魏風三

清調曲十七曲

卷十一

魏風四

瑟調曲二十九曲

卷十二

魏風五

楚調曲四曲

卷十三

漢風八

雜曲三十一曲

卷十四

魏風六

雜曲二十九曲

卷十五

漢雅一

鼓吹二十二曲

卷十六

魏雅一 吳雅附

鼓吹一十二曲

吳鼓吹一十二曲附

卷十七

漢雅二

橫吹四曲

卷十八

漢雅三

雅舞一曲

卷十九

魏雅之變二

雅舞四曲

卷二十

漢雅之變四

雜舞四曲

卷二十一

魏雅之變三

雜舞五曲

卷二十二

漢頌一

郊祀樂章一十九章二十曲

卷二十三

漢頌二

廟祀樂章十六章

卷二十四

魏頌一

廟祀樂章三章

卷二十五

漢一

歌詩上

卷二十六

漢二

歌詩中

卷二十七 漢三

歌詩下

卷二十八 魏一

歌詩

卷二十九 漢一

琴曲

卷三十 魏一

琴曲

旌德劉鉄鍾甫氏書并梓

樂府廣序 總目終

樂府廣序目次 卷之一

漢風 一

相和歌辭 一

六引 一曲

箜篌引 關

相和曲 八曲

江南 東光

薤露 蒿里

雞鳴 烏生

平陵東 陌上桑

樂府廣序目次

卷之一終

樂府廣序

卷之一

浙西止谿圃人朱嘉徵論正

漢風一

詩序。一國之事。繫一人之本。謂之風。風。風也。教也。風以動之。教以化之。上以風化下。下以風刺上。主文而譎諫。言之者無罪。聞之者足以戒。故曰風。詩疏。風自下起。故詩莫先于風。家人風。所自。故風莫大于閨門。明乎風。而三經三緯其達之矣。

序曰。刪詩首風詩志也。古者天子五載一巡守。采詩以觀民風。以風之爲體也。被物無私。又善化。而詩之比事連類也。象之相和調。相傳漢舊歌疑不始于漢也。昔周詩南陔之三笙。以和鹿鳴之三雅。繇庚之三笙。以和魚麗之三雅。相和調。蓋依此而起。漢志不錄。

其辭何也間載宋書樂志又列清商三調爲荀勗撰舊辭施用者漢之平調曲獨闕按荀氏所撰其爲魏晉樂所奏也明甚而晉樂志復闕失載識者疑焉聞之班氏藝文志曰初立樂府而采歌謠于是有代趙之謳秦楚之風斯言信而可徵其爲漢季武帝采詩夜誦之一部哉至魏明帝復分爲二部更述夜宿頗增魏曲倍之復與樂書夜誦之文不殊唐樂志曰三調皆周房中之遺聲其風之遺乎聞其音可以得其志美哉淵乎聞長歌大曲之音者性情以正矣識曲于江南鳥生而哀樂得其節矣正容起悟則爲雞鳴陌上桑孔雀東南飛俗可謂不淫矣及讀平陵東薤

露則思志義之臣誦相逢行長安有狹斜行隴西行
喟然於國奢教儉國儉教禮而婦病孤兒雁門太守
則時政之得失繫焉及誦魏武帝薤露蒿里念亂也
對酒歌太平思治也陳思王惟漢行君道也天地曲
臣道也置酒曲友道也推類而廣之彝倫攸叙矣夫
憂生而後能達生達生而後哀樂得節禮樂可同有
以夫漢孔氏曰周詩六義並列先風雅而後頌見事
相因漸余次樂府首相和曲先國風也

相和歌辭一

宋樂志漢相和五曲江南東光雞鳴鳥生平陵東平
調曲闕清調一曲董雋行瑟調一曲善哉行大曲八
曲東門行鼓歌羅敷行西門行折楊柳行歌默默藍
歌何嘗行歌白鵲滿歌行歌爲樂雁門太守行歌維

陽令白頭吟歌。如並十五曲。古辭稱十七曲。武陵鵝雞二曲。

張永元嘉正聲伎錄。吟歎四曲。亦列于相和歌。大曲十五篇。分于諸調。唯滿歌行一曲。諸調不載。故附見于大曲之下。

謹按音樂志。相和五曲。吟歎平調曲。並開荀錄十七曲。較魏晉樂二十二曲。闕三曲。王子喬相逢行。豫章行。太原郭氏本。依伎錄。增入十六曲。薤露蒿里。長歌行。二曲。歌青青園中葵。仙人騎白鹿。君子行。長安有俠斜行。隴西行。步出夏門行。飲馬長城窟。行。婦病行。孤兒行。豔歌二曲。歌翩翩堂前燕。南山石鬼鬼。梁甫吟。怨詩行。怨歌行。今增三曲。猛虎行。上留田行。行。行。行。瑟引。公無渡河行。樂府不正載。依樂苑補入瑟調。

相和六引

闕

吳兢樂錄云。技錄。相和古有六引。官引。角引。二曲。闕。一曰。瑟引。二曰。商引。三曰。徵引。四曰。羽引。瑟引。歌瑟調。東阿王辭。門有車馬客。行。置酒篇。並晉宋齊奏之。宋瑟引。有辭。三引。有歌聲。而辭不傳。梁具五引。有歌。有辭。謹按。梁三朝雅樂有五引。郭氏并瑟引。爲相和六。

引。非也。余以漢辭既亡。梁五引仍繫之三朝雅。此寧
闕之。復按崔豹古今注。笙篪引者。霍里子高妻麗玉
所作。琴論古琴曲九引。七曰笙篪引。樂錄云。三調中
有公無渡河行。其聲哀切。故入瑟調。今依樂錄改次
云。

相和曲

樂錄相和十五曲。二曰江南。五曰東光。十一曰雞鳴
十二曰烏生。十三曰平陵東。十五曰陌上桑。並古辭。

江南

郗昂樂府解題。江南古辭。蓋美芳辰麗景。嬉遊得時
也。按梁武帝作江南弄。以代西曲。又采蓮采菱。並出
此。唐陸龜蒙廣古辭爲五解。

江南可采蓮。蓮葉何田田。魚戲蓮葉間。魚戲蓮葉東。魚
戲蓮葉西。魚戲蓮葉南。魚戲蓮葉北。

右一曲。魏晉樂所奏。

范曄曰。鄭夾漈相和歌。首江南曲。以爲正聲。江南曲

三句外多不用韻是古樂府一唱三歎之遺梁簡文辭則美矣失其古意

序曰相和曲歌江南美風俗也主政易行焉或曰物阜風淫所以爲刺唐劉庭芝江南曲春戲易爲心最合如相歎惜流暉便屬變調

東光

東光平蒼梧何不平蒼梧多腐粟無益諸軍糧諸軍遊蕩子蚤行多悲傷

右一曲魏晉樂所奏

伎錄云東光舊但有弦無音宋識造其聲歌

漢地

理志東光縣屬渤海郡今北直隸河間府一統志漢武帝平南粵以其地爲廣信縣置蒼梧郡今廣西梧

州府

謹按平叶旁見烈祖篇樂府改乎字謬

序曰東光平諷時也似有鄭風清人之刺一曰漢武

帝征南越久未下而作

薤露

崔注。薤露蒿里歌本出田橫門人。橫自殺門人傷之。爲作悲歌。漢時使挽柩者歌之。干寶搜神記挽歌者。喪家之樂。執紼者相和之聲也。

薤上露何易晞。露晞明朝更復落。人死一去何時歸。

解題。左傳歌虞殯。杜注。卽薤露歌也。魏武帝薤露行曰。惟漢二十二世。曹植作惟漢行。

序曰。薤露挽歌也。李延年以此曲送王公貴人。唐人詩。北邙松柏路。留待市朝客。堪爲此曲注脚。

蒿里

蒿里誰家地。聚歛魂魄無賢愚。鬼伯一何相催促。人命不得少踟躕。

樂府注蒿里山名在泰山南。一曰泰山吟行。

陳氏樂書靈帝耽口樂梁商大臣朝廷之望也。會賓歌薤露京師嘉會以慰極挽歌之伎爲樂豈國家久長之兆哉。

序曰蒿里喪歌李延年以此曲送士大夫庶人魏武帝擬爲喪亂之歌也。二曲並出田橫門人殊動志義之感若夫達人處順適去適來又何悲乎。

雞鳴

雞鳴高樹巔。狗吠深宮中。蕩子何所之。天下方太平。刑法非有貸。柔協正亂名。黃金爲君門。璧玉爲軒堂。上有雙樽酒。作使邯鄲倡。劉王碧青簾。後出郭門王。舍後有方池。池中雙鴛鴦。鴛鴦七十二。羅列自成行。鳴聲何啾啾。聞我殿東廂。兄弟四五人。皆爲侍中郎。五日一時來。

觀者滿路傍黃金絡馬頭頻頻何煌煌桃生露井上李
樹生桃傍蟲來齧桃根李樹代桃殭樹木身相代兄弟
還相念

右一曲魏晉樂所奏

沈建樂府廣題雞鳴篇又雞鳴高樹巔晨雞高樹巔

出此

集考爾雅頤頤謂之雞鵲音關磚也碧青鵲惟王家

用之

鍾惺曰以豔羨起以感慨終其寄托不盡全在無轉
接無呼應處見之

序曰雞鳴刺時也國奢者教禮首善繫乎京師或曰
初平中五侯僭侈太后委政于莽專威福奏遣紅陽
侯立平阿侯仁迫令自殺民用作歌夫盛極必衰國
勢頽然風俗壞而人心隨之柔柔之以弓矢小刑用

刀鋸大刑用甲兵也。協協之以禮樂，辨等威制度數也。雞鳴與尺布之誣，同爲諷時之作。文帝能受直言，此則諷言微婉，亦見君子處薄俗，志畏而言謹矣。

烏生

烏生八九子，端坐秦氏桂樹間。喈我秦氏家有遊遨蕩子，工用睢陽彊蘇合彈。左手持彊彈，兩丸出入烏東西。喈我一丸，卽發中烏身。烏死，魂魄飛揚上天。阿母生烏子時，乃在南山巖石間。喈我人民安知烏生處？蹊徑窈窕安從通？白鹿乃在上林西苑中。射工尚復得白鹿脯，喈我黃鵠摩天極高飛。後宮尚復得烹煮之鯉魚，乃在淮水溪淵中。釣鈎尚得鯉魚口，喈我人民生各各有壽。

命死生何須復道前後

右一曲魏晉樂所奏

解題城上烏出此。

集考暗音借歎聲。一音謫變暗多辭句也。

序曰烏生寓言也滿歌行禍福無形一語寫炤

平陵東

崔注平陵東漢翟義門人所作也。解題義爲丞相方進少子字文仲爲東郡太守以王莽篡漢舉兵誅之不克見害門人作歌以怨之也。

平陵東松柏桐不知何人刳義公刳義公在高堂下

戶叶

交錢百萬兩走馬母叶兩走馬亦誠難顧見追吏心中惻

觸叶心中惻血出漉歸告我家賣黃犢

右一曲魏晉樂所奏

解題曹植改言神仙事。

集考兩疑作西

序曰平陵東不以成敗論人哀其志也。按松栢桐
楨榦之木何人不義其人交錢百萬言資以起兵破
家爲國盛舉也兩走馬以一郡而當方張之莽知其
不免黃犢隱語也隱莽初封繇辨之不蚤辨乎童謠
黃雀巢其顛同旨。子建曲歌閬闔開或疑爲仙曲
不類嘗誦輦舞曲關東有賢女如蘇來卿秦女休曲
云俱上列仙籍去死獨就生嗟夫古稱死而不朽當
以義死爲仙籍哉其義未始不合。

陌上桑

崔注陌上桑者出秦氏女子秦氏邯鄲人有女名羅敷爲邑人千乘王仁妻王仁後爲趙王家令羅敷出

採桑于陌上趙王登臺見而悅之因置酒欲奪焉羅敷乃彈箏作陌上桑之歌以自明趙王乃止

日出東南隅。照我秦氏樓。秦氏有好女。自名為羅敷。羅敷善蠶桑。採桑城南隅。青絲爲籠繫。桂枝爲籠鉤。頭上

倭墮髻。耳中明月珠。綳綺爲下裙。紫綺爲上襦。行者見

羅敷。下擔捋髭鬚。少年見羅敷。脫帽著綳頭。耕者忘其

犁。鋤者忘其鋤。來歸相怒怨。但坐觀羅敷。解使君從南

來。五馬立踟躕。使君遣吏往。問是誰家姝。秦氏有好女。

自名為羅敷。羅敷年幾何。二十尚不足。十五頗有餘。使

君謝羅敷。寧可共載不。羅敷前致辭。使君一何愚。使君

自有婦。羅敷自有夫。解東方千餘騎。夫婿居上頭。叶何

用識夫婿。白馬從驪駒。青絲繫馬尾。黃金絡馬頭。叶腰

帶手裏。長安一漢風。相和曲。

中鹿盧劔可值千萬餘十五府小史二十朝大夫三十侍中郎四十專城居為人潔白皙鬚鬣頗有鬚盈盈公

府步冉冉府中趨坐中數千人皆言夫婿殊

三解前

後有趨

樓鈎頭並叶魚模韻

右一曲魏晉樂所奏

宋書大曲十五曲二曰羅敷行一曰日出東南隅行

一曰豔歌羅敷行亦曰日出行采桑曲

集考古陌上桑有二此為羅敷也別有秋胡行亦曰

陌上桑而事與此異王筠陌上桑云秋胡始停馬羅

敷未滿箱便誤為一事崔注長安婦人好為倭墮

髻一云墮馬髻之餘晉灼注古長劔首以玉作井

轆轤形小史掌書專城尊撫一郡者兩漢博聞

幘頭一作綃頭鄭儀禮注幘頭自項中而前交額上

却繞髻也周黨被微乃著穀皮綃頭待見尚書何樹

性卓詭不倫好披髮著絳綃頭納此消反

序曰陌上桑歌日出東南隅婦人以禮自防也漢

遊女之情正但令不可求而止陌上桑之情亦正惟

言羅敷自有夫而止皆正風也 風調自然名俊子
建獨領此一派士衡日出東南隅行頗合調若以詩
聲別之亦猶周南之于鄭衛 李白寒蟬愛碧草鳴
鳳棲青梧比也古辭用直叙風義悠揚絕勝 孔雀
東南飛日出東南隅並長篇佳手中間閒叙複叙忽
接忽收都是憑空結撰

樂府廣序

卷之一終

男
爾邁謹訂

樂府廣序目次

卷之二

漢風二

相和歌辭二

吟歎曲

一曲

王子喬

樂府廣序目次

卷之二終

樂府廣序

卷之二

浙西止谿圃人朱嘉徵論正

漢風

二

相和歌辭

二

吟歎曲

技錄吟歎四曲。一曰大雅吟。二曰王明君。三曰楚妃歎。四曰王子喬。樂錄古有八曲。其小雅吟。蜀琴頭楚王吟。東武吟。四曲闕。

王子喬

劉向列仙傳。王子喬者。周靈王太子晉也。好吹笙作鳳鳴。游伊雒之間。道人浮丘公接以上嵩高山。三十餘年。後求之于山上。見桓良曰。告我家。七月七日待我于緱氏山頭。至時果乘白雉駐山頭。望之不得到。舉手謝時人。數日而去。爲立祠于緱氏山下。及嵩高之首焉。

樂府廣序

卷二

漢風

吟歎曲

一

王子喬參駕白鹿雲中遨參駕白鹿雲中遨下游來主
子喬參駕白鹿上至雲戲游遨上建通陰廣里踐近高
結仙宮過謁三台東遊四海五嶽上過蓬萊紫雲臺三
王五帝不足令令我聖朝應太平養民若子事父明當
究天祿永康寧主女羅坐吹笛簫嗟行聖人遊八極鳴
吐銜福翔殿側聖主享萬年悲吟皇帝延壽命

右一曲魏晉樂所奏

歷代吟譜。緱氏仙人廟者昔有王喬。疑爲武陽人。爲
柏人令。于此登仙。非王子喬也。唐詩可憐緱嶺登仙
子。猶自吹笙醉碧桃。誤也久矣。

集考。漢人祝頌樂辭也。令我聖朝應太平。以下與漢
鏡銘文同。

序曰吟歎曲歌王子喬次大雅吟燕樂也天保之章
曰萬壽無疆曰徧爲爾德成民者壽世之本魏武帝

氣出唱。正本此一調。世傳藐姑射之仙。堯對之而
喪天下。余初河漢其言。及讀養民若子。事父明當究
天祿永康寧之句。如莊生所謂神人者。不過其神凝
使物不疵癘而年穀熟耳。豈真如方士好言姚佚輕
舉者耶。一曰武帝遣方士入海求三神山。不死藥
故誕爲此。頌曰悲吟諷辭也。

樂府廣序

卷之二終

男
爾邁謹訂

樂府廣序目次 卷之三

漢風 三

相和歌辭 三

平調曲 四曲

長歌行 二曲

猛虎行

君子行

樂府廣序目次

卷之三終

樂府廣序

卷之三

浙西止谿圃人朱嘉徵論正

漢風 三

相和歌辭 三

平調曲

樂錄王僧虔大明三年宴樂伎錄平調七曲一曰長歌行二曰短歌行三曰猛虎行四曰君子行五曰燕歌行六曰從軍行七曰鞠歌行謹按平調漢曲也並正聲清瑟為變聲楚調聲變矣尤見溫厚之遺漢平調曲魏樂不歌歌周西伯昌始武帝辭時與清調瑟調雜宋書樂志因之大雅不作讀者其無感于斯余仍郭本繫之漢云

長歌行 二曲

青青園中葵朝露待日晞陽春布德澤萬物生光輝嘗

樂府廣序

卷三

漢風

平調

一

恐秋節至。焜黃華葉衰。百川東到海。何時復西歸。少壯不努力。老大徒傷悲。

崔注。長歌短歌。言人壽命長短。有定分。不可妄求也。解題云。按古詩。長歌正激烈。魏文帝燕歌行。短歌微吟。不能長。晉傅玄。豔歌行。咄來長歌續短歌。蓋歌聲有長短。非言壽命也。

序曰。長歌行。歌青青園中葵。思立業也。傳曰。人生三不朽。立德立功立言。蓋欲及時也。十九首所遇無故物。生年不滿百。二篇與長歌同義。記曰。詠歎之不足。故長言之。此長歌行所爲作也。看起興八句。其言何長。

仙人騎白鹿。髮短耳何長。導我上太華。攬芝獲赤幢。來到主人門。奉藥一玉箱。主人服此藥。身體日康彊。髮白

復更黑延年壽命長
峇峇山上亭皎皎雲間星遠望使
心思遊子戀所生
驅車出北門遙觀維陽城
凱風吹長棘天天枝葉傾
黃鳥飛相追咬咬弄音聲
竚立望西河泣下沾羅纓

文選長歌行一首青青園中葵樂府兩篇首曲同次乃仙人騎白鹿嚴滄浪以峇峇山上亭其義不同更別爲二首今從郭本張次仲曰意隨韻轉不必其相屬古辭類然

序曰長歌行歌仙人騎白鹿懷孝養也遊子思養其親懼親年之不逮焉全曲典象空遠只遊子戀所生一句實境仙人騎白鹿言仙藥可以延年峇峇山上亭又可望而不可致凱風生長之風喻親恩也黃鳥追飛喻子情也雖靈藥之長留而桑榆其日薄豈

非孝子所致思者直叙一事耳

猛虎行

饑不從猛虎食莫不從野雀棲野雀安無巢游子爲誰驕

集考樂府猛虎行稱古辭不正載其文。咄咄歌集下何纂纂上留田亦然今依古樂苑譜入。

序曰猛虎行歌猛虎謹于立身也記曰君子不失足于人。不失色于人。不失口于人。詠遊子。士窮視其所不爲義加警焉。猛虎行與野雀同興巫山高與淮水同興擬古者單指猛虎巫山者非晉陸機渴不飲盜泉水熱不息惡木陰朱謝惠連貧不攻九疑玉倦不憊三危峰唐李白腸斷非關隴頭水淚下不爲雍

門琴李賀長戈莫春彊弩莫烹當以數家正之。

君子行

君子防未然不處嫌疑間瓜田不納履李下不整冠嫂
叔不親授長幼不比肩勞謙得其柄和光甚獨難周公
下白屋吐哺不及餐一沐三握髮後世稱聖賢

樂府古辭

曹植集亦載此

解題君子有所思行

與此辭旨不同

集考君子以周公爲法周公抱孺子而朝處疑謗之地有不易居者若非勞謙下士其何以自白于世

序曰君子行歌君子謹于制行也。大行亦不爲細謹
焉。命曲在首二句不分兩節。瓜田下是正言之不
容徑情人踰閑。周公下是申言之又不爲鄉愿人覆
短蓋防未然者君子之微心。勞謙者君子之事業也。

六代人擬作都說得上截耳
和光易爲鄉愿借徑
不可不知

樂府廣序

卷之三

男
爾邁謹訂

樂府廣序目次 卷之四

漢風 四

相和歌辭 四

清調曲 四曲

豫章行

董逃行

相逢行

長安有狹斜行

樂府廣序目次

卷之四終

樂府廣序

卷之四

浙西止谿圃人朱嘉徵論正

漢風

四

相和歌辭

四

清調曲

樂錄王僧虔伎錄清調六曲一苦寒行二豫章行三董逃行四相逢狹路間行五塘上行六秋胡行謹按清調大槩刺而不譏風人之志

豫章行

白楊初生時乃在豫章山上葉摩青雲下根通黃泉涼

秋八九月山客持斧斤我

關

何皎皎梯落

關

根株

已斷絕顛倒巖石間大匠持斧繩鋸墨齊兩端一驅四

樂府廣序

卷四

漢風

清調

一

五里枝葉自相捐

關

會爲舟船燔身在雒陽

宮根在豫章山多謝枝與葉何時復相連吾生百年

關

自

關

俱何意萬人巧使我離根株

右一曲晉樂所奏

序曰豫章行歌白楊感遇也遇矣而違其所願風斯
變矣似有憚爲人犧意子建以虞舜呂望當之感知
已之難其風復變六代曲辭士衡三荆歡同株四
鳥悲異林惠連九里樂同潤二華念分峰此篇擬古
辭者休奕情合同雲漢葵藿仰陽春是本思王曲來
董逃行

吾欲上謁從高山山頭危險大難遙望五嶽端黃金爲

闕班璘但見芝草葉落紛紛解一百身集來如烟山獸紛

綸麟辟邪其端鵬雞聲鳴但見山獸援戲相拘攀解二小

復前行玉堂未心懷流還傳教出門來門外人何求所

言欲從聖道求一得命延解三教敕凡吏受言採取神藥

若木端玉兔長跪擣藥蝦蟇丸奉上升下一玉杵服此

藥可得神仙解四服爾神藥莫不歡喜陛下長生老壽四

面肅肅稽首天神擁護左右陛下長與天相保守解五

集考崔注董逃歌後漢游童所作董卓作亂卒以逃

亡後人習之歌章為警戒焉樂府引武帝內傳王母

觴帝飛七枚以四枚陷帝命侍女董雙成吹雲和笙

進觴作者疑取此

謹按董逃見歌詩非命曲本指宋書樂志作董逃行

本內傳也改逃為桃亦誤閱曲中傳教教敕求言受

言此方士迂怪語使王人庶幾遇之或武帝時使方

士入海求三神山為公孫卿輩所作帝亦冀遇殊延

焉侯博雅者正之。

序曰董逃行古辭小雅之歌壽考天子宴樂則歌之或曰諷也王者服藥求神仙其志蠱矣內嬖外戚之勢必重而土木甲兵之事興其時之愛憎予奪必有日異而月不同者此晉曲歷九秋篇所爲作較王子喬曲乃變聲也。

相逢行

相逢狹路間道隘不容車不知何年少夾轂問君家君家誠易知易知復難忘黃金爲君門白玉爲君堂堂上置樽酒作使邯鄲信中庭生桂樹華燈何煌煌兄弟兩三人中子爲侍郎五日一來歸道上自生光黃金絡馬

頭觀者盈路傍入門時左顧但見雙鴛鴦鴛鴦七十二
羅列自成行音聲何雍雍鶴鳴東西廂大婦織綺羅中
婦織流黃小婦無所爲挾瑟上高堂丈人且安坐調絲
方未央

右一曲晉樂所奏 解題一曰相逢狹路間行亦曰
長安有狹邪行二婦豔及中婦織流黃唐難忘曲並

出此

集考史記中山地薄人衆爲倡優女子游媚貴富

顏氏家訓歌詞先述三千次及三婦是對舅姑之稱
其末章丈人且安坐丈人亦長老之目北間風俗婦
呼舅爲丈人丈與大易爲誤耳近代文士頗作三婦
詩乃爲匹嫡並耦又加鄭衛之詞大雅君子何其繆
乎

序曰相逢行歌相逢狹路間刺俗也俗化流失王政
衰焉曲中遊俠相過侈富踰制有五噫歌遼遼未央

意雅斯變矣。一曰。此國風之賦。邂逅也。漢周子居
嘗云。吾時月不見黃叔度。則鄙吝復生。戴良少所服
下。見憲輒自降薄。悵然曰。瞻之在前。忽焉在後。豈古
辭所謂君家誠易知。易知復難忘者耶。疑是好賢之
什第辭列清調。則諷義爲長。

長安有狹斜行

長安有狹斜。狹斜不容車。適逢兩少年。夾轂問君家。君
家新市傍。易知復難忘。天子二千石。中子孝廉郎。小子
無官職。衣冠仕雒陽。三子俱入室。室中自生光。大婦織
綺紵。中婦織流黃。小婦無所爲。挾琴上高堂。丈人且徐
徐。調弦詎未央。

樂府古辭

謹按古採詩入樂府此疑爲相逢行本辭西漢並建兩都故有衣冠仕維陽之句或疑此爲東都詩誤矣

序曰長安有狹斜刺時也世路多岐夫誰適從焉
晉陸機守一不足矜岐路良可遵北周王褒獨有遊
梁倦還守孝文園從古曲譜出

樂府廣序

卷之四終

男

爾邁謹訂